

春秋左氏傳

春秋經傳集解莊公第三

杜氏盡卅二年

經元年春王正月三月夫

人孫于齊夏單伯送王姬
秋築王姬之館于外冬十

月乙亥陳侯林卒王使榮
叔來錫桓公命王姬歸于
齊齊師遷紀邾郚郚
傳元年春不稱即位文姜
出故也三月夫人孫于齊
不稱姜氏絕不爲親禮也

秋築王姬之館于外爲外
禮也

經二年春王二月葬陳莊

公夏公子慶父帥師伐於

餘丘秋七月齊王姬卒冬

十有二月夫人姜氏會齊

侯于禚乙酉宋公馮卒

傳二年冬夫人姜氏會齊

侯于禚書姦也

經三年春王正月溺會齊

師伐衛夏四月葬宋莊公

五月葬桓王秋紀季以鄆

入于齊冬公次于滑
傳三年春溺會齊師伐衛
疾之也夏五月葬桓王緩
也秋紀季以鄆入于齊紀
於是乎始判冬公次于滑
將會鄭伯謀紀故也鄭伯

辭以難凡師一宿爲舍再宿爲信過信爲次

經四年春王二月夫人姜氏享齊侯于祝丘三月紀伯姬卒夏齊侯陳侯鄭伯遇于垂紀侯大去其國六

月乙丑齊侯葬紀伯姬秋
七月冬公及齊人狩于禚
傳四年春王三月楚武王
荆尸授師子焉以伐隨將
齊入告夫人鄧曼曰余心
蕩鄧曼歎曰王祿盡矣

盈而蕩天之道也先君其
知之矣故臨武事將發大
命而蕩王心焉若師徒無
虧王薨於行國之福也王
遂行卒於櫛木之下令尹
鬬祁莫敖屈重除道梁澹

營軍臨隨隨人懼行成莫
教以王命入盟隨侯且請
爲會於漢汭而還濟漢而
後發喪紀侯不能下齊以
與紀季夏紀侯大去其國
違齊難也

經五年春王正月夏夫人
姜氏如齊師秋郕犁來來
朝冬公會齊人宋人陳人
蔡人伐衛內西墨齊莫西
傳五年秋郕犁來來朝名
未王命也冬伐衛納惠公

也

經六年春王正月王人子

突救衛夏六月衛侯朔入

于衛秋公至自伐衛螟冬

齊人來歸衛俘

傳六年春王人救衛夏衛

侯入放公子黔牟于周放

寗跪于秦殺左公子洩右

公子職乃即位君子以二

公子之立黔牟爲不度矣

夫能固位者必度於本末

而後立衷焉不知其本不

謀知本之不枝弗強詩云
本枝百世冬齊人來歸衛
寶文姜請之也楚文王伐
申過鄧鄧祁侯曰吾甥也
止而享之驪甥聃甥養甥
請殺楚子鄧侯弗許三甥

曰亡鄧國者必此人也若
不早圖後君噬齊其及圖
之乎圖之此爲時矣鄧侯
曰人將不食吾餘對曰若
不從三臣抑社稷實不血
食而君焉取餘弗從還年

楚子伐鄧十六年楚復伐
鄧滅之苗不害嘉嫪凶降
經七年春夫人姜氏會齊
侯于防夏四月辛卯夜恒
星不見夜中星隕如雨秋
大水無麥苗冬夫人姜氏

會齊侯于穀

傳七年春文姜會齊侯于

防齊志也夏恒星不見夜

明也星隕如雨與雨偕也

秋無麥苗不害嘉穀也

經八年春王正月師次于